



**ÒDONANS DIJANS NIMEWO 18
KONTE PALM BEACH COVID-19
RESTRIKSYON REVIZE SOU LÈ OPERASYON RESTORAN,
ETABLISMAN ALIMANTÈ AK LÒT BIZNIS
AK KLARIFIKASYON SOU FÈMTI BIZNIS AKTYÈL YO**

KONSIDERAN, COVID-19 la, yon maladi respiratwa yon viris lakòz ki gaye rapidman sòti nan yon moun ale nan yon lòt epi ki ka lakòz maladi grav oswa lanmò, reprezante yon menas klè ak aktyèl pou lavi, sante, byennèt ak sekirite moun nan Konte Palm Beach yo; epi

KONSIDERAN, nan dat 9 mas 2020, Gouvènè Ron DeSantis, te pibliye yon Dekrè Egzekitif 20-52 ki deklare yon eta dijans pou Eta Florid akòz COVID-19 la; epi

KONSIDERAN, nan dat 13 mas 2020, dapre Seksyon 252.38(3)(a)(5), Lwa Florid yo, Konte Palm Beach te deklare yon Eta Dijans lokal akòz pandemi kowonaviris la ki te pwolonje depi lè a nan respè ak lwa ki aplikab yo; epi

KONSIDERAN, nan dat 24 mas 2020 Gouvènè Ron DeSantis, te pibliye tou Dekrè Egzekitif 20-83 ki mande Chirijyen Jeneral Eta a ak Ofisyè Sante Eta a pou pibliye yon avi sante piblik pou moun ki aje yo ak moun ki gen kondisyon medikal grav kache ki mete yo nan pi gwo risk pou gen maladi grav nan COVID-19 la pou rete lakay yo. Kondisyon sa yo gen ladan, men pa limite ak, maladi kwonik nan poumon oswa opresyon modere rive nan grav; kondisyon kadyak grav; sitiyoasyon iminodeprime, ki gen ladan sila yo ki nan tretman kansè; ak obezite grav; epi

KONSIDERAN, Gouvènè Ron DeSantis te pibliye yon seri Dekrè Egzekitif an repons ak pandemi COVID-19 la, ki gen ladan Dekrè Egzekitif 20-112, yon Faz 1: Plan Entèlijian, San Danje, Etap pa Etap pou Retablisman Florid la, kote Gouvènè a te re-ouvri kèk biznis, epi Dekrè Egzekitif 20-120 ki, pami lòt bagay, te sèvi pou ajoute Konte Palm Beach nan kad Faz 1 an, ak Dekrè Egzekitif 20-123 kote Gouvènè a te pwolonje ak mennen tout konte Florid yo nan Faz 1 Konplè a; epi

KONSIDERAN, Konte Palm Beach rete nan Faz 1 an akò ak Dekrè Egzekitif 20-123 ak Dekrè Egzekitif 20-139 ke Gouvènè DeSantis te pibliye nan dat 3 jen 2020. Restriksyon yo nan Faz 1 an pèmèt gen plas pa anndan nan restoran yo nan 50% kapasite avèk repatisyon apwopriye anplas ant pati yo. Plas pa deyò yo ak sèvis pou anpòte yo otorize; sepandan, kontwa ba yo rete fèmèn pou chèz, epi manje nan ba nan restoran yo pa otorize. Ba ak klèb de nwi yo rete fèmèn nan Konte Palm Beach; epi

KONSIDERAN, Konte Palm Beach te gen yon gwo ogmantasyon nan kantite ka pozitif pou COVID-19 nan fen mwa me, jen ak jiyè, ki gen ladan anpil kantite ka ki nan kategori laj adolesan ak jèn granmoun. Plis pase 33,000 ka pozitif te rapòte nan fen mwa jiyè. Itilizasyon kabann lopital ki gen ladan itilizasyon kabann ICU (Inite Swen Entansif), te ogmante tou pandan menm peryòd la akòz COVID-19 la; epi

KONSIDERAN, nan dat 14 jiyè 2020, konsidere sa anvan yo, Konsèy Manm Komisyon Konte Palm Beach la te mande Administratè Konte a pou anile demann Konte a bay Gouvènè Ron DeSantis pou Konte Palm Beach pou antre nan Faz 2: Plan Entèlijan, San Danje, Etap pa Etap pou Retablisman Florid; epi

KONSIDERAN, pou reponn ak gwo ogmantasyon sa yo nan ka pozitif COVID-19 yo ak pou plis sansibilize piblik la sou mezi sekirite ak sanite ki nesese pou pwoteje sante piblik la, Administratè Konte a te mande mete pwoteksyon figi nan tout biznis, etablisman ak nan espas piblik epi egzije etablisman vant an detay ak restoran yo pou mete afich ki gen enfòmasyon sou pwòpte, distans sosyal ak egzijans pwoteksyon figi yo. Administratè Konte a te mete restriksyon tou sou lè operasyon restoran ak lòt etablisman kote moun yo ka rasanble; epi

KONSIDERAN, Òdonans Dijans 2020-014 ki te pibliye nan dat 14 jiyè 2020, te mete restriksyon sou lè operasyon restoran ak etablisman alimantè ak plizyè kalite lòt biznis; epi

KONSIDERAN, Òdonans Dijans 2020-015, ki te pibliye nan dat 23 jiyè 2020, te anile ak ranplase Òdonans Dijans 2020-014. Òdonans ki ranplase a te klarifye limit sou lè restoran pou entèdi konsomasyon sou plas pandan lè biznis ki gen restriksyon yo, te klarifye Konte Palm Beach rete nan Faz 1, epi te klarifye biznis yo nan Konte Palm Beach ki rete fèmen nan Faz 1; epi

KONSIDERAN, Konte Palm Beach te chèche ak resevwa klarifikasyon nan men Eta Florid ke etablisman yo ki fè terapi masaj ki gen lisans ak etablisman ki bay sèvis akiponkti ki gen lisans otorize fonksyone akòz sèvis say o kalifye kòm sèvis medikal ki otorize nan Faz 1 an, sepandan, kèk langaj nan Seksyon 4(D) Dekrè Egzekitif 20-139 Eta a ki refere ak akiponkti ak terapi masaj, jeneralman, tankou sèvis pèsònèl, otorize sèlman nan Faz 2; epi

KONSIDERAN, li nesese pou anile ak ranplase Òdonans Dijans 2020-015 pou klarifye ke etablisman yo ki fè terapi masaj ki gen lisans ak etablisman ki bay sèvis akiponkti ki gen lisans otorize fonksyone pou bay sèvis sa yo nan Konte Palm Beach.

KOUNYE A, PA KONSEKAN, NOU ÒDONE ISIT LA dapre Chapit 9, Atik II, Seksyon 9-35 Kòd Konte Palm Beach lan, ansanm ak otorite yo ban mwen nan Deklarasyon Dijans Gouvènè DeSantis te pibliye nan Dekrè Egzekitif 20-52 pa Chapit 252 Lwa Florid yo, Konsèy Manm Komisyon Komite a ak Plan Jesyon Dijans Global Konte Palm Beach lan, ak jan lalwa mande sa, mwen òdone konsa:

1. **Konsideran yo.** Konsideran ki anvan yo enkòpore isit la kòm referans.

2. **Aplikabilite ak Entansyon.** Òdonans sa a aplike nan tout zòn ki entegre ak ki pa entegre nan Konte Palm Beach. Òdonans sa a gen entansyon limite lè operasyon pou aktivite ak biznis ki idantifye isit la. Òdonans sa a pa gen entansyon pou, ni pa dwe entèprete pou, otorize okenn biznis ki aktyèlman entèdi pou fonksyone pou ouvri. Òdonans sa a gen entansyon tou pou, ni pa dwe entèprete pou, otorize okenn biznis k ap opere nan vyolasyon lwa aplikab yo pou kontinye operasyon ilegal sa yo, ki gen ladan, men pa limite ak, nenpòt operasyon ki nan vyolasyon nenpòt lwa zonaj konte oswa minisipal oswa òdonans dijans.
3. **Anilasyon ak Ranplasman Òdonans Anvan.** Òdonans Dijans 20-015 Konte Palm Beach anile nèt epi ranplase pa Òdonans sa a.
4. **Restriksyon sou Lè pou Alkòl ak Sèvis Alimantè.** Pa gen okenn etablisman ki otorize sèvi alkòl pou konsome sou plas, swa anndan oswa anplennè, yo pa dwe sèvi alkòl oswa otorize konsomasyon sou plas ant 11:00 p.m. ak 5:00 a.m. Pa gen okenn etablisman ki otorize pou sèvis konsomasyon manje sou plas, swa anndan oswa anplennè, yo pa dwe sèvi manje oswa otorize konsomasyon manje sou plas ant lè 11:00 p.m. ak 5:00 a.m. Etablisman sa yo dwe fèmen e rete vid ant lè 11:00 p.m. ak 5:00 a.m. Sof pou reyalize fonksyon nesèsè (tankou netwayaj ak fèmti sèvis yo) epi sof pou sèvis sou volan, pase pran oswa anpòte pou konsomasyon lòt kote. Plas anndan ak anplennè yo dwe rete vid ant lè 11:00 p.m. ak 5:00 p.m. Epi pa dwe disponib pou kliyan itilize pou sèvis pase pran ak anpòte.
5. **Restriksyon nan Lè Operasyon yo pou Kèk Biznis ak Lokal.** Malgre kondisyon Seksyon 4 yo, biznis ak lokal annapre yo, nan nivo yo te otorize pou fonksyone legalman, dwe fèmen ant lè 11:00 p.m. ak 5:00 a.m.: pak lwazi; kava, kratom ak ba ak salon ki similè; salon bankè ak sal bal.
6. **Biznis ki Rete Fèmen.** Nan lide pou klarifye, anba a gen yon lis biznis ki fèmen dapre kondisyon òdonans anvan ki aplikab yo, epi ki rete fèmen. Biznis sa yo pa reprezante inivè biznis ki fèmen yo men sèvi tankou yon lis klarifikasyon pou asire respè òdonans dijans ki aplikab yo. Operasyon nenpòt biznis ki fèmen, ki gen ladan, men pa limite ak, sila yo ki mansyone anba a, nan vyolasyon ak lalwa epi ka pini ankò ak sa.
 - a. Ba;
 - b. Klèb de nwi, etablisman ki ofri plezi pou granmoun, klèb estriptiz;
 - c. Nagile, sigarèt ak lòt ba ak salon fimèn;
 - d. Pis pou boling;
 - e. Akad;
 - f. Teyat;
 - g. Sal konsè;
 - h. Sinema;
 - i. Oditoryòm;

- j. Lòt lokal amizman anndan ki ofri, swa pou patisipasyon oswa obsèvasyon, opòtinite rekreyatif oswa jwèt konpetans nan yon bilding fèmen. Lokal sa yo gen ladan, men pa limite ak, sant patinaj, sant tranpolin, sal biya, sal pou evazyon, salon bingo, kazino ak ba oswa salon entèaktif ki pèmèt patisipasyon nan espò; epi
 - k. Biznis ak etablisman tatouwaj, biznis ak etablisman pèsing nan kò, biznis ak etablisman bwonzaj, biznis ak etablisman terapi masaj ak/oswa biznis ak etablisman masaj kote masaj ak/oswa terapi masaj fèt atravè moun ki pa sila yo ki gen lisans nan kad Chapit 480, Lwa Forid yo, biznis ak etablisman akiponkti kote akiponkti fèt atravè moun ki pa sila yo ki gen lisans nan kad chapit 457, Lwa Florid yo.
7. **Aplikasyon Lalwa.** Cherif Konte Palm Beach lan, lòt ajans pou fè aplike lalwa yo ki gen ladan ajans minisipal pou fè aplike lalwa ak nenpòt lòt pèsonèl lalwa otorize, ki gen ladan, men pa limite ak, pèsonèl ki dekri nan Seksyon 9-37 Kòd Òdonans Konte Palm Beach lan, otorize pou ranfòse Òdonans sa a an akò ak dispozisyon Òdonans Dijans 2020-017, ak nenpòt amannman apre sou sa.
8. **Konfli.** Nenpòt dispozisyon nan Òdonans sa a ki gen konfli avèk nenpòt dispozisyon lwa eta oswa federal oswa dispozisyon konstitisyonèl oswa konfli avèk oswa ki gen yon Dekrè Egzekitif Gouvènè oswa Prezidan Etazini ki aktyèl oswa ki pibliye apre ki ranplase yo, ap konsidere kòm pa aplikab epi konsidere kòm separe de Òdonans sa a avèk rès Òdonans lan ki rete entak ak anvigè. Nan mezi aplikasyon kèk oswa tout dispozisyon Òdonans sa a entèdi sou teritwa souvren yon tribi souvren oswa Endyen ke gouvènman federal la oswa eta a rekonèt, aplikasyon sa a ap eskli klèman nan Òdonans sa a. Dispozisyon Òdonans sa a dwe ranplase dispozisyon espesifik nenpòt Òdonans Dijans Konte a te pibliye ki kontrè oswa ki gen konfli avèk Òdonans sa a.
9. **Dat li anvigè.** Òdonans sa a dwe antre anvigè nan 12:01 p.m. nan dat 12 out 2020. Òdonans sa ap ekspire lè Eta Dijans Lokal la ekspire, piske lòt òdonans oswa deklarasyon ka pwolonje li, amwenske lòt òdonans oswa aksyon Konsèy Manm Komisyon Konte a mete fen ladan anvan sa.

KONTE PALM BEACH

Pa: [Siyati]
Administratè Konte

__11 out 2020__
Dat

**ATESTE
GREFYE AK KONTWOLÈ**

Pa: [Siyati]
Grefye Adjwen

**APWOUVE SELON
SIFIZANS JIRIDIK**

Pa: [Siyati]
Pwokirè Konte